

## Lan-eskaintzen erregistroa 2023ko uztailean

### • ERREGISTRATUTAKO LAN-ESKAINNTZA KOPURUA

Euskal Autonomia Erkidegoko enplegu-bulegoetan 1.120 eskaintza erregistratu dira 2023ko uztailean, ekainean baino 563 gutxiago eta 2022ko uztailean baino 18 gutxiago.


### • LURRALDE HISTORIKOAK

Kudeaketako Administrazio Unitatearen lurralde historikoari dagokionez, 2023ko uztailean 211 eskaintza erregistratu dira Araban, 446 Gipuzkoan eta 463 Bizkaian. Eskaintzen % 18,8 Arabako UAGetan erregistratu dira, % 39,8 Gipuzkoan eta % 41,3 Bizkaian.

Arabaren hilabete honetan, eskaintzek % 16,9 egin dute behera (43 eskaintza gutxiago); Gipuzkoan, berriz, % 35,7 egin dute behera (248 eskaintza gutxiago), eta Bizkaian, % 37 egin dute behera (272 eskaintza gutxiago).

Iazko hil beraren aldean, 54 eskaintza gehiago izan dira Araban (% 34,4ko gorakada); Bizkaian, berriz, 2 gutxiago izan dira (% 0,4ko jaitsiera) eta Gipuzkoan beherakada handiagoa da (70 eskaintza gutxiago, -% 16,6).

Eskaintzaren Lurralde Historikoa



### • ESKAINTZAREN OKUPAZIOA

Okupazio-profilei dagokionez, EAEn zientzia teknikarien profilak izan ditu eskaintza gehien: 233 eskaintza eta eskaintza guztien % 20,8. Ondoren, oso gertu, zerbitzuen profila dator, 226 eskaintzarekin eta % 20,2ko pisuarekin. Laguntzako teknikari, ez kualifikatu eta industriako okupazio-profilek ere garrantzi handia dute erregistratutako eskaintzei dagokionez, erregistratutako eskaintzen bolumenaren ehunekoak % 16,1, % 15 eta % 12,2 baitira, hurrenez hurren. Eskaintza gutxien erregistratu dituzten profilak lehen sektorekoak eta zuzendaritzakoak izan dira, 6 eta 5 eskaintzekin, hurrenez hurren.

Joan den hilabetearekin alderatuta, profil guztietan behera egin du eskaintza kopuruak zuzendarietan izan ezik; eskaintza 1 egin du gora. Kopuru absolutuetan, beherakada handiena izan duen profila industriakoa izan da, 157 eskaintza gutxiago eta % 53,4ko jaitsierarekin; balio erlatiboetan, berriz, beherakada handiena lehen sektoreko profilean izan da, % 57,1eko jaitsiera izan baitu (8 eskaintza gutxiago).


Urte arteko saldoari dagokionez, ehuneko jaitsierarik handiena, zuzendarien profilak jasan du, % 44,4ko jaitsierarekin (4 eskaintza gutxiago). Aldiz, balio absolutuei dagokionez, beherakada handiena zientzia-teknikarien eskaintzetan gertatu da: 53 eskaintza gutxiago eta % 18,5eko jaitsiera. Beste aldean, modu absolutuan, igoserarik handiena zerbitzuetako profilean gertatu da 35 eskaintza gehiago izan baitira (+% 18,3); eta modu erlatiboan, lehen sektorean igo da gehien % 100arekin (3 gehiago).

### • KONTRATU MOTA

Erregistratutako eskaintzen % 36,1 mugagabeak izan dira, eskaintzen % 63,8 aldi baterakoak, eta gainerako % 0,1 merkataritza-koak. Kontratu mugagabeen eskaintzen ehunekoa handia da, baina ekainetik hona % 37,7tik % 37,1era jaitsi da. Hala ere, urteko erreferentzian, ehunekoa 6,1 puntu igo da. Datu horiek baieztatu egiten dute lan-erreformaren ondoren eskaintza mugagabeen presentzia handiagoa izateko joera.


Eskaintza mugagabeak 404 izan dira, aurreko hilean baino 231 gutxiago ( % 36,4ko beherakada). Aldi baterako eskaintzek ere behera egin dute (324 eskaintza gutxiago), 715 guztira; termino erlatiboetan, jaitsiera % 31,2koa izan da. Azkenik, merkataritzako eskaintza 1 izan da uztailean, aurreko hilean baino 8 gutxiago.

Urte arteko saldoari dagokionez, kontratu mugagabeko eskaintzek 63 egin dute gora ( % 5,5eko igoera); aldi baterako kontratuko eskaintzek, aldiz, % 9,7 egin dute behera, 77 eskaintza gutxiago. Azkenik, merkataritzako 4 eskaintza gutxiago erregistratu dira, 5 eskaintza izatetik 1 izatera igaro baita urteko erreferentzian.



### • ESKATUTAKO ESPERIENTZIA - DENBORA

2023ko uztailean erregistratutako eskaintzen % 80,1ek 0 eta 6 hil arteko esperientzia behar dute, 897 eskaintza guztira. Erregistratutako eskaintzen % 10,3k (115 guztira) 6 eta 12 hilabete arteko esperientzia eskatzen dute. Ehuneko txikiagoak dituzte esperientzia-aldi luzeagoa eskatzen duten eskaintzek, hala nola 3 eta 5 urte bitartekoak, % 1,7ko pisuarekin (17 eskaintza) eta 5 urte baino gehiago eskatzen dituztenek; 5 eskaintza eta % 0,9ko pisua.



Hilabete arteko bilakaerari dagokionez, eskaintzek behera egin dute tarte guztietan 5 urtetik gorakoen artean izan ezik; 6 izatetik 10 izatera pasa dira. Jaitsierarik handiena, balio absolutuetan, 0 eta 6 hil bitarteko esperientzia-tartean gertatu da, 466 kontratu gutxiagorekin (% 34,2ko beherakada); portzentaiaetan, 1-3 urteko esperientziako eskaintzetan izan da jaitsiera handiena, % 35,2 jaitsi baitira (44 gutxiago).

Urteko bilakaeran, jaitsi egin dira 0-6 hilabete bitarteko eskaintzak (-37 eskaintza eta % 4ko jaitsiera) eta 6-12 hilabete behar dituztenak (eskaintza 1 gutxiago eta % 0,9ko jaitsiera). Aitzitik, beste esperientzia tarteetako eskaintzek gora egin dute. Gehien hazi direnak, balio absolutu zein erlatiboetan, 5 urte baino gehiago behar dituzten eskaintzak dira; 9 gehiago izan dira eta % 900eko hazkundera izan dute.


## Lan-eskaintzen erregistroa 2023ko uztailean

Uztailean, ekainean bezala, erregistratutako lan-eskaintzek 8 hilabeteko batez besteko esperientzia eskatu dute.

### • LANALDI MOTA

Ezer baino lehen, aipatu behar da lan-eskaintza guztiek ez dutela zehazten zer lan-jardunaldi egin behar den eskaintzak erregistratzeko orduan; eskaintzen % 12,4k bakarrik zehazten dute lanaldia, aurreko hilean baino 0,7 puntu gutxiago (1.120 eskaintzatik 167k soilik). 167 eskaintzatatik 139 lanaldi osokoak izan dira, eta gainerakoak 28 lanaldi partzialekoak.

Lanaldi mota



Bilakaerari dagokionez, lanaldi osoko eskaintzak 81 gutxiago izan dira ekainarekin alderatuta, hau da, % 36,8 jaitsi dira. Lanaldi partzialeko eskaintzek behera egin dute 22 eskaintzatan, eta jaitsiera erlatiboa % 44koa izan da.

Aurreko urteko hil beraren aldean, bai lanaldi osoko eskaintzak zein lanaldi partzialekoak, 7 eskaintzatan igo dira bakoitza ( % 5,3 eta % 33,3 gehiago, hurrenez hurren).


### • ALDI BATERAKO LANERAKO ENPRESAK (ABLE)

Hil honetan 6 lan eskaintza kudeatu dira ABLEn bitartez, aurreko hilean eta urtean baino 8 gutxiago.

### • ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 85,5ek ez du zehazten zein den eskatutako prestakuntza maila minimoa: 1.120 eskaintzetatik 163k soilik zehaztu dute.

Eskatutako gutxieneko prestakuntza maila



163 eskaintza horietatik, 69k unibertsitate mailako prestakuntza eskatu dute; ikasketa maila honetako eskaintzak izan dira ugariak. Ondoren, LHko ikasketa maila eskatu dutenak daude; 53 izan dira uztailean. Azkenik, oinarrizko eta batxilergoko ikasketak eskatzen dituzten eskaintzak daude 35 eta 6 eskaintza, hurrenez hurren).

Hil arteko konparaketan, jaitsi egin dira profil guztien eskaintzak. Beherakada handiena, balio absolutuetan, LHko eskaintzetan eman da (-35 eskaintza, % 39,8 gutxiago); balio erlatiboetan, aldiz, batxilergoko ikasketak behar dituzten eskaintzatan gertatu da jaitsiera handiena, % 75ekoa hain zuzen ere (-18 eskaintza).

2022ko uztailearekin alderatuta, gora egin duten eskaintza bakarrak derrigorrezko ikasketak izan dira, 4 eskaintza gehitu baitira ( % 12,9ko igoera). Gehien jaitsi direnak, balio absolutuetan, LHko

## Lan-eskaintzen erregistroa 2023ko uztailean

ikasketak behar dituzten eskaintzak dira, 15 eskaintza gutxiago eta % 22,1eko jaitsiera erlatiboarekin; balio erlatiboetan, berriz, batxilergoko eskaintzak murriztu dira gehien (-% 25, 8tik 6ra jaitsi dira).

### • ESKAINTZAREN JARDUERA

Gehien nabarmentzen den jarduera, EAEko enplegu-bulegoetan erregistratu diren eskaintzen bolumenagatik, manufaktura-industria da, % 13,1eko pisuarekin (147 eskaintza). Ondoren, gertutik merkataritzako eta osasungintzako eskaintzak datoz, guztira 132 eta 131 eskaintza, hurrenez hurren (ehunekotan hileko eskaintza guztien % 11,8 eta % 11,7ko pisuarekin).

Aurreko hilabetearen aldean, eskaintza gehienak jaitsi dira. Gehien jaitsi direnak, balio absolutuetan, industriakoak izan dira, 156 eskaintza gutxiagorekin ( % 51,5eko jaitsiera); balio erlatiboetan, berriz, higiezin-jardueren eskaintzetan izan da beherakada nabarmenena, % 83,6koa izan baita (5 eskaintza gutxiago). Beste muturrean, gehien hazi direnak, ur-horniketako jarduerak izan dira, 6 eskaintza gehiago eta % 50eko igoerarekin.

Urte arteko saldoari dagokionez, nabarmentzekoa da manufaktura-industriako jaitsiera, 31 eskaintza gutxiagorekin (- % 17,4), eta ondoren, informazio jardueren jaitsiera (22 eskaintza gutxiago, % 40,7ko jaitsiera); azken hau izan da balio erlatiboetan gehien murriztu dena. Beste muturrean, igoerarik handiena, balio absolutuetan, hezkuntzako eskaintzetan gertatu da, 24 eskaintza gehiago erregistratu baitira ( % 34,8ko hazkundea); balio erlatiboetan, bilakaerarik onena lehen sektoreak eta finantza jarduerak izan dute 3 eskaintza gehiago eta % 50eko igoera izan baitute biek.

### Eskaintzaren jarduera

